



KENYATAAN MEDIA JABATAN ALAM SEKITAR NEGERI KEDAH

OPERASI JABATAN ALAM SEKITAR CAWANGAN SUNGAI PETANI DI KAWASAN PERINDUSTRIAN BUKIT SELAMBAU

21 SEPTEMBER 2020, SUNGAI PETANI – Jabatan Alam Sekitar (JAS) Cawangan Sungai Petani Negeri Kedah telah menjalankan operasi penguatkuasaan terhadap sebuah premis perindustrian berasaskan kayu di Kawasan Perindustrian Bukit Selambau, Sungai Petani, Kedah. Premis tersebut disyaki telah melanggar Perintah Larangan yang telah dikeluarkan oleh Ketua Pengarah di bawah Peraturan-Peraturan Kualiti Alam Sekeliling (Udara Bersih) 2014. Operasi dijalankan hasil risikan oleh JAS Cawangan Sungai Petani sebelum ini. Untuk makluman juga, premis ini beroperasi tanpa kelulusan dari pihak berkuasa tempatan. Kertas siasatan akan dikemukakan kepada Timbalan Pendakwa Raya untuk tindakan lanjut.

Dalam operasi berlainan pada tarikh yang sama, JAS Cawangan Sungai Petani juga telah melakukan penahanan operasi kelengkapan di bawah Seksyen 38(a) Akta Kualiti Alam Sekeliling 1974 terhadap dua (2) buah kilang berasaskan kayu di Kawasan Perindustrian Bukit Selambau, Sungai Petani, Kedah. Penahanan operasi kelengkapan dilakukan terhadap proses yang menghasilkan pencemar udara tanpa memasang sistem kawalan pencemaran udara (SKPU) di bawah Peraturan-

Peraturan Kualiti Alam Sekeliling (Udara Bersih) 2014. Tindakan lanjut akan diambil oleh JAS Cawangan Sungai Petani.

Kesalahan-kesalahan di bawah Peraturan-Peraturan Kualiti Alam Sekeliling (Udara Bersih) 2014 boleh dikenakan denda maksimum RM100,000 atau dua (2) tahun penjara atau kedua-duanya sekali.

Operasi-operasi ini dijalankan berikutan aduan-aduan daripada penduduk Sungai Petani terhadap kualiti udara terutamanya bau yang tidak menyenangkan.

JAS Cawangan Sungai Petani akan menjalankan rondaan dan pengawasan termasuk menggunakan drone di sekitar Sungai Petani bagi memastikan pematuhan kilang-kilang yang beroperasi.

Tamat.

JABATAN ALAM SEKITAR NEGERI KEDAH


22 September 2020



Siasatan di kilang yang disyaki melanggar Perintah Larangan.



Siasatan di kilang yang disyaki melanggar Perintah Larangan.



Siasatan di kilang yang disyaki melanggar Perintah Larangan.



Penahanan operasi kelengkapan di bawah Seksyen 38(a) Akta Kualiti Alam Sekeliling terhadap premis yang menghasilkan pencemar udara tanpa sistem kawalan pencemaran udara (SKPU)



Penahanan operasi kelengkapan di bawah Seksyen 38(a) Akta Kualiti Alam Sekeliling terhadap premis yang menghasilkan pencemar udara tanpa sistem kawalan pencemaran udara (SKPU)



Penahanan operasi kelengkapan di bawah Seksyen 38(a) Akta Kualiti Alam Sekeliling terhadap premis yang menghasilkan pencemar udara tanpa sistem kawalan pencemaran udara (SKPU)